

Cxxxix.

Comme ainsy soict ayt esté dict par les parties contractantes que diverses conten(ti)ons et proces soient arrivés entre **feu david mariette fouleur de draps de villemur, feu jean mariette et autre jean mariette pere et fils aussi fouteurs de draps de montauban**, a raison du prix restant de la vente que ledict feu david leur a faict des portions qu()il avoict en une **maison et jardin joignant situés au faux bourc saint estienne de tescou** dudict montauban **contract retenu par feu bonneau no(tai)re** de lad(ite) ville peut avoir environ vingt huict ou trente ans de **certain debte** quy estoict deub a()m(aîtr)e raou advocat de la mesme ville par lesdictz mariettes & de ce que le nommé salitot peyrilhe de corbarieu en auroict païé comme coobligé, item de **la vente faicte ausdictz feu david mariette et jean mariette filz** par noble jean pierre de sers sieur de saignes **de la coupe de certain bois** et de plusieurs autres choses lesquelles ayant esté compromises en divers temps, troys **sentances arbitralles** s'en seroient ensuyvies retenues la premiere par **daulhes no(tai)re** audict

.....

montauban le vingt troiesme febvrier mil six cens vingt quatre la seconde par **moy no(tai)re** soubz(sig)ne le quatriesme du mois de febvrier de lad(ite) annee, & la troiesme et derniere par **esteverin aussi no(tai)re** aud(it) villemur le neufiesme du mois de novembre mil six cens quarante un : que pour l'autorisation et execu(ti)on desdictes sentances arbitralles plusieurs autres proces ayent este faictz pardevant les ordinaires dudict villemur & seneschaux de th(ou)l(ouse) et montauban & plusieurs app(ointem)ans sentances et executoires obtenus et expadies dont appel ayant esté rellevé par ledict jean mariette en la souveraine cour et chambre de l()edit seant a castres du vivant dud(it) david, icelluy y auroict faict diverses poursuittes quy auroient este continuées apres son deces par ses enfans, en telle sorte que les evenemens en estans apprehendes par ledict jean mariette a tant icelluy que les enfans dudict david deffunt desirant vivre en paix a obvier a frais seroient venus en accord & transhige des choses susdictes et de tous les autres affaires et desmelles quy estoient entre lesdictz deffunctz et jean mariette par l()entremise d'aucuns leurs bons amis communs

si bien qu()il ne restoict que d()en passer contract /

.....

Cxl.

Pour ce est il qu()aujourd()hui **seiziesme**
du mois de **may mil six cens quarante huit**
apres midy regnant louis et.a pardevant moy no(tai)re
royal soubz(sig)ne dans ma boutique a **villemur** et.a
establis en personne **jean mariette fouleur de**
draps residant audict villemur faisant tant pour
soi que pour et au nom d'autre **jean et gabrielle**
mariettes ses frere et sœur absens et ausquels
promect faire ratiffier ce contract quand besaing
sera **tous trois filz** du susdict **feu david** et
here(tier)s d()icelluy soubz benefice d()inventaire toutesfois
d'une part, & le susdict **jean mariette fils du**
susdict feu autre jean fouleur de draps residant
a montauban d'autre, lesquelles parties de
gre ont renoncé e(t)renoncent aux susdictz
proces conten(ti)ons et disputtes avec promesse
qu'a leur esgard iceux ne seront plus poursuivis
directement ny indirectement item ont dit et
declaré lesdictes partyes avoir par l'entremise
de leursdictz communs amis faict compte tant
des condampna(ti)ons et prethen(ti)ons que lesdictz
enfans dudict feu david mariette avoient a l'encontre
dud(it) jean mariette soict en prin(cip)al interest et
despans a raison et en consequence des sentances

.....

arbitralles app(ointem)ans executoires pris restans de
la vente des portions de maison e(t)jardin joignant
et autres choses dont est cy dessus faicte mention
que celles que led(it) jean mariette avoict a
compancer et desduire sur icelles par les mesmes
sentances ou autrement et generalmente
toutes les autres etittions et demandes qu'eux
& leurs feus peres pouvoient et avoient a se
faire l'un a l()autre par le passé de maniere
que toutes les choses quy estoient a desduire et
precompter ayant este desduittes et precomptees
il s()est trouvé que ledict jean mariette est
encore debit(e)ur et redevable envers lesdictz
here(tier)s en la somme de cent vingt livres t(ournoi)z
laquelle icelluy /jean/ mariette promect e(t)sera tenu
paier a()l()aquit et descharge desdictz heretiers de
david mariette aux sieur **charles carriere bourgeois**
de th(ou)l(ouse) et autres marchans rentiers de la coupe
de la forest de vaquiers sur ce que led(it) feu

david leur pere leur est attenu de vente de bois
et ce dans trois annees prochaines a
compter des hui avec l()interest d()icelle pour les
seconde et troisieme desdictes années a raison du
denier seize qu()il paiera par advance au

.....
Cxli.

commancement de chacune d()icelle car pour
l()interest de la premiere desdictes annees led(it)
mariette en est et dem(e)ure descharge en considera(ti)on
de cest accord, et moyennant le paiement de
lad(ite) somme de cent vingt livres e(t)interest d()icelle
ainsi faict par ledict jean mariette icelluy aura
entierement payé et satisfaitz lesdictz here(tier)s a lesdictes
paries seront et dem(e)ureront respectivement quittes
de toutes les choses susdictes a autres generalmente
quelconques jusqu'au jour presant a les contractz
sentances arbitrales app(ointem)ans executoires et autres
actes preallegués pour resolu er cancellés en
tant que contiennent debte s(e)ullement a quoy dors
et desja comme pour lors les parties ont
consenti et consentent par vertu du predant a
la rezeve expresse des ypotheques quy sont
aquizes par iceux pour y recourir et s'en pouvoir
servir en cas de bezoing sans que l()une ny
l'autre desd(ites) parties en puisse rien plus prethendre
ny demander, et a tenir ce dessus ainsy
convenu, transhigé et stipulé par lesdictes
parties avec promesse de n()y contrevenir en facon
quelconque icelles ont obliges tous leurs biens
presans et advenir, mesmes le susdict jean mariette

.....
par expres en tiltre de prequaire la susdicte
portion de maison e(t)jardin venus qu'ont soubzmis
aux rigueurs de justice avec les ren(onciati)on)s requises
et l'ont juré par serement leurs mains a dieu levées
de()quoy leur requisition instrument a esté rettenu
par moy dict no(tai)re en presance de m(aîtr)e jean boyé
no(tai)re royal, pierre gontaud et pierre castela par(tici)ens
de villemur signes les parties ont dict ne sçavoir

Boye, p(rese)nt

Gontaud, p(rese)nt

Castela, p(rese)nt

Nota. Bascoul, notaire, n'a pas ici signé.